



REPUBLIKA E SHQIPËRISË
MINISTRIA E FINANCEVE DHE EKONOMISË
MINISTRI

Nr. 22900/19 Prot.

Tiranë, më 4.4.2019

URDHËR

Nr. 122, Datë 4.4.2019

PËR

**FILLIMIN E PROCEDURËS PËRZGJEDHËSE TË KANDIDATIT PËR ANËTAR
BORDI TË AUTORITETIT TË MBIKËQYRJES FINACIARE QË DO TË MBAJË
FUNKSIONIN E NËNDREJTORIT EKZEKUTIV**

Në mbështetje të neneve 4, 5, 7 të ligjit nr. 9572, datë 3.7.2006 "Për Autoritetin e Mbikëqyrjes Financiare" të ndryshuar, si dhe në zbatim të paragrafit të katërt të nenit 6 të këtij ligji;

Me qëllim, përzgjedhjen e kandidatit për anëtar bordi të Autoritetit të Mbikëqyrjes Financiare që do të mbajë funksionin e Nëndrejtorit Ekzekutiv, i cili sipas procedurës dhe përcaktimeve ligjore do t'i propozohet nga Ministri i Financave dhe Ekonomisë, Kuvendit të Republikës së Shqipërisë, për emërim,

URDHËROJ:

- 1) Fillimin e procedurës përgjedhëse të kandidatit për anëtar bordi të Autoritetit të Mbikëqyrjes Financiare që do të mbajë funksionin e Nëndrejtorit Ekzekutiv, i cili sipas procedurës dhe përcaktimeve ligjore, do t'i propozohet nga Ministri i Financave dhe Ekonomisë, Kuvendit të Republikës së Shqipërisë, për emërim.
- 2) Në përputhje me përcaktimet e parashikuara në nenin 5 të ligjit nr. 9572, datë 3.7.2006 "Për Autoritetin e Mbikëqyrjes Financiare" të ndryshuar, kandidati duhet të plotësojë kërkesat e mëposhtme:
 - a) Të jetë shtetas shqiptar;
 - b) Të ketë kryer arsimin e lartë ekonomik, juridik ose të lidhur me shkencën e aktuarëve.
 - c) Të ketë përvojë pune 7-vjeçare, nga e cila të paktën 5 vjet në njerën nga këto fusha ose disa prej tyre të marra sëbashku:
 - Financë-kontabilitet;
 - Administrim i shoqërive tregtare;
 - Këshillim ligjor i shoqërive tregtare;
 - Hartim legjislativ;
 - Shkencë e aktuarëve;

- Sigurime shoqërore dhe pensione.
 - c) Të ketë integritet moral dhe profesional.
 - d) Të jetë i paangazhuar në funksione drejtuese partiake.
 - e) Të mos jetë i dënuar penalisht, me vendim gjykate të formës së prerë.
 - f) Të jetë në përmbushje të kërkesave dhe dispozitave ligjore për konfliktin e interesave.
- 3) Përbën avantazh për kandidatin përmbushja edhe e kriterëve të tjera plotësuese, si:
- a) Studime të avancuara në fushën e financave, të administrimit të biznesit dhe drejtësisë (master ose doktoraturë);
 - b) Përvojë pune në fushën e sigurimeve/fondeve të pensioneve/fondeve të investimeve;
 - c) Përvojë drejtimi në nivele të larta;
 - d) Aftësi të shkëlqyera në të folur dhe në të shkruar të gjuhës angleze.
- 4) Nuk mund të jetë në këtë funksion, kandidati, i cili:
- a) Në tre vitet e fundit ka qenë ortak, aksionar, apo anëtar i organeve drejtuese të subjekteve të mbikëqyrura;
 - b) Ka lidhje familjare me personat e parashikuara në pikën 4 “a” të këtij Urdhëri;
 - c) Në tre vitet e fundit ka qenë punonjës me kohë të pjesshme apo të plotë në subjektet e mbikëqyrura.
- 5) Kandidati duhet të dorëzojë në Ministrinë e Financave dhe Ekonomisë (Sektori i Arkiv-Protokollit) këto dokumenta:
- a) Kërkesë për aplikim;
 - b) Kopje e kartës së identitetit;
 - c) Dokument që të provojë vjetësinë në punë në një nga fushat e kërkuara;
 - d) Jetëshkrim (*Curriculum Vitae*-CV);
 - e) Deklaratë personale për mos angazhim në funksione drejtuese partiake;
 - f) Dëshmi penaliteti dhe vërtetim që nuk ndodhet në ndjekje penale;
 - g) Deklaratë për përmbushjen e kërkesave dhe dispozitave ligjore për konfliktin e interesave;
 - h) Çdo dokument tjetër të nevojshëm në funksion të përmbushjes së kërkesave të përcaktuara në pikën 3 të këtij Urdhëri.
- 6) Afati i dorëzimit të aplikimit dhe dokumenteve të përcaktuara në urdhër, është deri më datë 18. 4 .2019, ora 14:00.
- 7) Njoftimi i fillimit të procedurës sipas këtij Urdhëri, të publikohet në faqen zyrtare të Ministrisë së Financave dhe Ekonomisë, brenda datës 5. 4 .2019.
- 8) Ngarkohet Sekretari i Përgjithshëm për zbatimin e këtij urdhëri.

Ky urdhër hyn në fuqi menjëherë.

